

Allannguutissatut siunnersuut

uunga

Uunga siunnersuut: Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat nr. xx, xx. xxx 2019-imeersoq

Aappassaaneerinninnissamut Naalackersuisunit saqqummiunneqartoq.

§ 1-imut

1. § 1-imi, nr. 01-itut nutaatut ivertinneqassaaq:”**01.** § 34-tut, nr. 22-tut, ivertinneqassaaq:

”22) Avataani sulinermi tapit, utimut nuunnermut tapit aamma inissinnermi aningaasat pissarsiat, inunnit Namminersorlutik Oqartussanit naalagaaffiup avataani sulisussatut aallartinneqartunut tunniunneqartut, kiisalu aningaasarsiat allat, nunani allani sulinerup nassatarisaanik aningaasartuutaanerusunut matussutissatut tunniunneqartut.””

2. § 1-imi, nr. 02-tut nutaatut ivertinneqassaaq:”**02.** § 72 a, imm. 2, ima oqaasertalerneqassaaq:

”Imm. 2. Isertitat atorfeqartitaanermi isertinneqartut, tak. imm. 1, A-tut B-tullu isertitanut ilaapput, taamaattorli sulisitsisut soraarnerussutisianut katersivinnut inuunermilu sillimmasiinernut aaqquissuussanut akiliutai, § 39-mi, § 40-mi, § 43-mi imaluunniit kapitali 4 a-mi aalajangersakkanut ilaasut ilanngunneqassanngillat.””

3. § 1-imi, nr. 03-tut nutaatut ivertinneqassaaq:”**03.** § 102, ima oqaasertalerneqassaaq:

”§ 102. Kinaluunniit pisortanut akileraaruteqanngitsoorumalluni piaaraluneerluni mianersuaalliorujussuarluniluunniit eqqunngitsumik paasinerluutaasinnaasumilluunniit inuup akileraartussaataitaneranut apeqqutip aalajangiiffiginiarneranut atugassanik, imaluunniit akileraarusiinissap aalajangiiffiqarneranut imaluunniit akileraarutit naatsorsornissaannut atugassanik paasissutissiisoq Kalaallit Nunaanni pinerluttulerinermik inatsit naapertorlugu pillaammi pineqaatissinneqassaaq.””

4. § 1-imi, nr. 04-tut nutaatut ivertinneqassaaq:”**04.** § 107, , ima oqaasertalerneqassaaq:

”§ 107. Inuup kialuunniit § 102 unioqutissimaguniuk, pineqaatissiisinnaanerlu Kalaallit Nunaanni pinerluttulerinermik inatsimmi maleruagassat naapertorlugit pisoqalisimappat, unioqutitsinerlu tassaannaasimangippat inuup allap akileraaruteqanngitsoorniarnernanut ikiuussimaneq, tapiliussatut akileraarutit aningaasarsianut ilanngutinngitsuukkat akileraarutitaasa angeqatai akiligassarai. § 108, imm. 5-imit 7-imut taamatuttaaqtuutissapput.””

§ 2-mut

1. § 2-*mi*, imm. 2-tut aamma 3-tut nutaatut ivertinneqassapput:

Imm. 2. § 1, nr. 01, nr. 03 aamma nr. 04, tamanut saqqummiussinerup aqaguani atuutilissapput.

Imm. 3. § 1, nr. 02, ulloq 1. januar 2020 atuutilissaaq, ukiorlu isertitaqarfik 2020 aallarnerfigalugu atulissalluni.”

Tamatuma kingorna imm. 2-5 imm. 4-7-inngussapput.

Nassuiaatit nalinginnaasut

Siullermik allannguutissatut siunnersuut Namminersorlutik Oqartussat sulisuisa nunatta avataanut suliaartortitat akileraarusersorneqartarnerinik erseqqissaanissamik siunertaqarpoq. Tulliatut tamakkiisumik akileraarusersukkanik soraarnerussutisiassanut sipaakkat atuutilersinneqarnerisa kingorna ilanngussinnginnissat pillugit sunniutaasunik malittarisassat nalimmassarneqarnissaannik siunnersuut siunertaqarpoq. Naggataagut inatsisip kalaallisoortaani kukkunerit nassaarineqartut aaqinneqarnissaannik inatsit siunertaqarpoq, taamaalilluni Inatsisartut inatsisaata kalaallisoortaata qallunaatoortaalu imminnut naapertuunnerat qulakkeerneqarluni.

Namminersorlutik Oqartussat sulisuisa aallartitat akileraarusersuiffiqineqarnerannik erseqqissaat

Inuit Namminersorlutik Oqartussanit Kalaallit Nunaata avataanut suliaartortinneqartut nalinginnaasumik akissarsiaminnit tamakkiisumik Kalaallit Nunaannut akileraartussaataapput, takuuk aningaasarsianit akileraarutit pillugit inatsimmi § 2, imm. 4. Pineqartoq nunani allamiinnermini sulinerminut atatillugu aningaasartuutaanerusut matussutissaannik tapeqartinneqartarpoq.

Nalinginnaasumik akileraarusiisarnermi periutsit malitsigisaannik tapit taakku aningaasarsianut akileraaruserneqartussaataasunut ilanngunneqartannginnerisa inatsimmut ilanngunneqarnissaannik siunnersuut siunertaqarpoq. Tassani avataani sulinermi, utimut nuunnermi inissinnermilu tapit kiisalu akeqanngitsumik ajunngitsorsiat, soorlu avataanut suliaartortitamut ini atugassanngortinneqartoq pineqarput.

Namminersorlutik Oqartussat avammut suliaartortitaasa Udenrigsministeriap sulisuminik avammut suliaartortitaatulli akileraarutitigut atugassaqartinneqarnerat siunnersuutitut toqqammavissinneqarpoq. Siunnersuullu avammut suliaartortitat sinniisutut suliaqarnerannik

toqqammaveqarpoq, tamatumalu ilaatigut inigisap nunani allani attaveqaatinut nereqatigiiffittut atorveqartarnera nassatarisinnaavaa. Taamaattoqarnissaani pineqartut nammineq toqqarsinnaasaannit inissiap pitsaanerunera pisariaqartippaa. Inissiat ilaat inissianit Udenrigsministeriap aqutaanit atugassanngortinneqartarput, taamaammallu inissiaq avammut suliarortitap taassumalu ilaqaataasa pisariaqartitaannit allaanerusinnaapput.

Inunnut tamakkiisumik akileraarusiinermit ilaatinneqartunut soraarnerussutisiassanik aaqqissuussinerit

Inuit aningaasarsianit akileraarutit pillugit inatsimmi § 72 b naapertorlugu tamakkiisumik akileraartussaataasut isertaminnit ilanngaasigaanngitsunit aalajangersimasumik 35 %-imik akileraaruserneqartarput, kisiannili inummut nalinginnaasumillu ilanngaammik ilanngaateqarsinnaanatik, taamattarlu inuttut ernianut aningaasartuutiminnut kiisalu akileraartussaataasut nammineq soraarnerussutisianut katersivinnut akiliutaanut ilanngaateqartinneqarsinnaanngillat. Isertitanilli naatsorsuinermit sulisitsisut soraarnerussutisianut katersivinnut kiisalu inuunermik sillimmasiisarfinnut soraarnerussutisianullu sillimmasiisarfinnut, aningaasarsianit akileraarutit pillugit inatsimmi § 39, § 40 aamma § 43 naapertorlugit Kalaallit Nunaanni angerlarsimaffeqartunut tamakkiisumik akileraartussaataasooq sinnerlugu akiliutai ilanngunneqassanngillat. Taamaattoq sulisitsisut soraarnerussutisiassanut katersanut akiliutaasa ilanngunneqannginnissaannut periarfissaqanngilaq, tassa soraarnerussutisiassatut katersinermit aaqqissuussanut aningaaserivinnit Kalaallit Nunaanni angerlarsimaffeqartunit neqeroortigineqartunut. Tamannalu soraarnerussutisiassatut siunertanut katersinernut malittarisassat 2016-imi atuutilersinneqarneranni eqqarsaatigineqanngilaq.

Allannguutissatut siunnersuutikkut sulisitsisut aningaaserivinnut Kalaallit Nunaanni angerlarsimaffeqartunut soraarnerussutisiassatut siunertanut katersinernut akiliutaasa aamma ilanngunneqartannginnissaannik siunertaq qularnaarniarneqarpoq, taamaalillunilu aningaasarsianit akileraarutit pillugit Inatsisartut inatsisaanni § 72 b-mut ilaatinneqartut tamarmik assigiinnik atugassaqartinneqalissapput.

Taamaaliornermit soraarnerussutisianik katersivinnut Kalaallit Nunaanni angerlarsimaffeqartunut soraarnerussutisiassatut siunertanut katersanut akiliutit assigiissinneqarnissaat siunertaavoq, taamaalilluni soraarnerussutisianut aaqqissuussat sorliit naapertuunnerpaajunerat suliffeqarnermit illuatungeriit nammineerlutik aalajangersinnaalissavaat.

Inatsisartut inatsisaata kalaallisuuani qallunaatuuanilu oqaatsit atukkat ataqatigiinnerunerissa qulakkeernerat

Aningaasarsianit akileraarutit pillugit Inatsisartut inatsisaata inatsisitigut nalunaarusiartaa sulissutigineqarpoq. Tassunga atatillugu kalaallisuuani inatsisip oqaasertaani amigaatit nassaarineqarput. Inatsisini aalajangersakkat pineqaatissiinermit tunngasut pineqarmata, taakku periarfissaq siulleq atorlugu erseqqissaaviginiarneqarnissaat naapertuutsinneqarpoq.

Siunnersuutip inatsimmut maanna atuuttumut sanillersuunera	
<i>Oqaasertaliussat atuuttut</i>	<i>Siunnersuut</i>
	<p>1. § 1-imi, nr. 01-itut nutaatut ivertinneqassaaq: ”01. § 34-tut, nr. 22-tut, ivertinneqassaaq: ”22) Avataani sulinermi tapit, utimut nuunnermut tapit aamma inissinnermi aningaasat pissarsiat, inunnit Namminersorlutik Oqartussanit naalagaaffiup avataani sulisussatut aallartinneqartunut tunniunneqartut, kiisalu aningaasarsiat allat, nunani allani sulinerup nassatarisaanik aningaasartuutaanerusunut matussutissatut tunniunneqartut.””</p>
<p>§ 72 a, imm. 2. <i>Imm. 2.</i> Atorfeqartitaanermi aningaasarsiat, imm.1 naapertorlugu, A-tut B-tullu aningaasarsiaapput, pensioninut inunermullu sillimmasiissutinut aaqqissuussinernut akiliutit, § 39, § 40 imaluunniit § 43-mi aalajangersakkani pineqartut, ilaatinneqanngiinnarlutik.</p>	<p>2. § 1-imi, nr. 02-tut nutaatut ivertinneqassaaq: ”02. § 72 a, imm. 2, ima oqaasertalerneqassaaq: ”Imm. 2. Isertitat atorfeqartitaanermi isertinneqartut, tak. imm. 1, A-tut B-tullu isertitanut ilaapput, taamaattorli sulisitsisut soraarnerussutisianut katersivinnut inuunermilu sillimmasiinernut aaqqissuussanut akiliutai, § 39-mi, § 40-mi, § 43-mi imaluunniit kapitali 4 a-mi aalajangersakkanut ilaasut ilanngunneqassanngillat.””</p>
<p>§ 102. Kinaluunniit pisortanut akileraaruteqanngitsoorumalluni piaaraluneerluni imaluunniit mianersuaalliorujussuarluni eqqunngitsumik paasinerluutaasinnaasumilluunniit inuup akileraartus-saatitaaneranut apeqqutip aalajangiiffiginiarneranut atugassanik imaluunniit akileraarusiinissap aalajangiiffigineqarneranut imaluunniit akileraarutit naatsorsornissaannut atugassanik paasissutissiisoq pillaammik pineqaatis-sinneqassaaq.</p>	<p>3. § 1-imi, nr. 03-tut nutaatut ivertinneqassaaq: ”03. § 102, ima oqaasertalerneqassaaq: ”§ 102. Kinaluunniit pisortanut akileraaruteqanngitsoorumalluni piaaraluneerluni mianersuaalliorujussuarluniluunniit eqqunngitsumik paasinerluutaasinnaasumilluunniit inuup akileraartussaataitaneranut apeqqutip aalajangiiffiginiarneranut atugassanik, imaluunniit akileraarusiinissap aalajangiiffigineqarneranut imaluunniit</p>

	akilaraarutit naatsorsornissaannut atugassanik paasissutissiisoq Kalaallit Nunaanni pinerluttulerinermik inatsit naapertorlugu pillaa ^{mmi} pineqaatissinneqassaaq.””
<p>§ 107. Inuup kialluunnit § 102 unioqutissimappagu aammalu Kalaallit Nunaanni pinerluttulerinermut inatsimmi maleruagassiat naapertorlugit pineqaatissinneqarsinnaanera pisoqalisoommappat, unioqutitsinerlu tassaappat taamaallaat inuup allap akilaraaruteqanngitsoorniarnanut ikiuisimaneq, aningaasarsianit ilanngutinngitsuukkanit tapiliussatut akilaraarutit akilertussanngussavai. Taamatut § 108, imm. 5-imiit 7-imut atuutilissapput.</p>	<p>4. § 1-imi, nr. 04-tut nutaatut ivertinneqassaaq: ”04. § 107, , ima oqaasertalerneqassaaq: ”§ 107. Inuup kialuunniit § 102 unioqutissimaguniuk, pineqaatissiisinnaanerlu Kalaallit Nunaanni pinerluttulerinermik inatsimmi maleruagassat naapertorlugit pisoqalisimappat, unioqutitsinerlu tassaannaasimangippat inuup allap akilaraaruteqanngitsoorniarnanut ikiuussimaneq, tapiliussatut akilaraarutit aningaasarsianut ilanngutinngitsuukkat akilaraarutitaasa angeqatai akiligassarai. § 108, imm. 5-imit 7-imut taamatuttaaq atuutissapput.””</p>
	<p>§ 2-mut</p> <p>1. § 2-mi, imm. 2-tut aamma 3-tut nutaatut ivertinneqassapput: ”Imm. 2. § 1, nr. 01, nr. 03 aamma nr. 04, tamanut saqqummiussinerup aqaguani atuutilissapput. Imm. 3. § 1, nr. 02, ulloq 1. januar 2020 atuutilissaaq, ukiorlu isertitaqarfik 2020 aallarnertugalugu atulissalluni.”</p> <p>Tamatuma kingorna imm. 2-5 imm. 4-7-inngussapput.</p>

Allannguutissatut siunnersuutip aningaasatigut kinguneqaatai

Siunnersuut taasarialinnik aningaasatigut kinguneqaateqassanganneqanngilaq.

Inuit tamakkiisumik akilaraartussaataasut soraarnerussutisiassanut siunertaqartunik sipaaruteqartalernissaat aningaaserivinni Kalaallit Nunaanni angerlarsimaffeqartuni soraarnerussutisiassanut siunertaqartunik katersanik sipaakkat annertusinissaannut iluaqutaassaaq. Nunani allani soraarnerussutisianik katersanut aqqissuussanut imaluunniit

Kalaallit Nunaanni soraarnerussutisianik katersivituami aamma sipaakkanik katersisoqarsinnaavoq. Ungasinnerusoq isigalugu allannguutit nunatta karsiata akileraarutitigut iluanaarutaasa annikitsumik apparnerannik inernejassaaq. Siunnersuutilli aaqqissuussamit akiliisoqarnissaata tungaanut akileraarusiinerup kinguartinneqarnera nassataraa. Taamattaq aaqqissuussanit aningaasanik iluanaarutisiat akileraaruserneqarnerannit akileraarutitigut iluanaarutisiat annertusisinnaapput. Taamaammat iluanaarutikinnerulerneq ungasinnerusoq isigalugu iluanaaruteqarnerunermit illuatungilernejassasoq naatsorsuutigineqarpoq. Iluanaarutisiaqarnerunerup annertussusaa ilaatigut sipaaruteqartut ataasiakkaat soraarnerussutisiassatut katersaminit qaqugu pissarsisinnaalernissaanut piumasqaatinik naammassinninnissaat kiisalu pineqartut maanaannakkut sipaarutini tigussallugit aalajangerumaarnerat apeqqutaassammat, maannakkuugallartoq tamatuma missingernissaa pisinnaangikkallarpoq.

Tamakkiisumik akileraarutissaatitaasut qanoq amerlatigisut Kalaallit Nunaanni soraarnerussutisianik katersinermut aaqqissuussinernut atuiumaarnerat nalorninarpoq. Ataatsimut isigalugu aningaasatigut kinguneqaatit killeqarnissaat naatsorsuutigineqarpoq.

Avataanut suliaartortitanut akileraarusiinermi pissutsit erseqqissaavigineqarnerat siunnersuutip akileraarusiisarnermi periutsinut atuuttunut naapertuummat, siunnersuut aningaasatigut kinguneqassangatinneqanngilaq.

Allannguutissatut siunnersuummi aalajangersakkanut ataasiakkaanut nassuiaatit

§ 1-imut

Nr. 01-imut (inatsimmi § 34)

Inuit avataanut suliaartortitat aningaasarsiatut naatsorsorneqartunit akileraartussaataanginnerat aalajangersakkami allassimavoq.

Utimut nuunnermi tapi sulisup minnerpaamik ukiumik ataatsimik sivilissuseqartumik aalajangerneqartumi nunanut allanut suliaartortinneqareerluni angerlaqquneqarnerani tunniunneqartarpoq.

Avataani sulinermi tapimut, soorlu ilassinninnernut aningaasartuutit kiisalu marloqiusamik inigisaqarnerni aamma saniatigut ajunngitsorsiat, akiligassiissutigineqartunut sukumiisunut aningaasartuutigineqarnerusunut annertunertigut matussusissaapput, soorlu meeqqat paaritinneqarnerannut, atuarfinnut aningaasartuutitut, katissimasatut aapparisaq soraarnerussutisiaanut, ilassinninnernut, sillimmatitut hardshipimik angalanernut, tikeraarluni angalanernut, takuniaalluni nuutinneqarlunilu angalanernut, nuunnermut atatillugu aningaasartuutitut, utimut nuunnermut tapinut, suliaartorluni angallanneqarnernut ilinniaqqinninnilu aningaasartuutitut qaammatikkaartumik akiliutit ilaapput.

Tamatuma saniatigut aalajangersakkami avataanut suliaartortitamut Namminersorlutik Oqartussanit toqqaannartumik imaluunniit Namminersorlutik Oqartussat sinnerlugit Udenrigsministeriamit ajunngitsorsiaritinneqartut aamma ilaatinneqarput, soorlu akeqanngitsumik ineqartitaaneq, innaallagiaqarneq, imeqarneq, kiassarneqarneq, oqarasuaateqarneq.

Nr. 02-mut (Inatsimmi § 72 a)

Aningaasarsianit akileraarusiisarneq pillugu Inatsisartut inatsisaanni kapitali 4 a-mi ilaatinneqartuni sulisitsisup tamakkiisumik akileraartussaataasumut soraarnerussutisiassatut aaqqissuussanut katersanut akiliutai § 39-mi, § 40-mi § 43-milu ilaatinneqartunik aaqqissuussanut ilatinneqassanngitsut siunnersuutigineqarpoq. Taamattaaq tassani sulisitsisup akiliutaasa pineqarnerat aalajangersakkami erseqqissarneqarpoq.

Nr. 03-mut (Inatsimmi § 102)

Aalajangersakkap kalaallisoortaata aaqqinneqarallarnissaa allannguinermi siunertarineqarpoq. Ilaatigut ”Kalaallit Nunaanni pinerluttulerinermik inatsimmi” inatsisip kalaallisuuani amigaataasoq ilassutigineqarpoq. Inatsisip qallunaatut oqaasertai allanngortinneqanngillat.

Nr. 04-mut (Inatsimmi § 107)

§ 107-ip kalaallisut allassimanera qallunaatuuanut naapertuunnerusunngortillugu allaqqinneqarnissaa siunnersuutigineqarpoq. Inatsisip oqaasertaani ilaatigut akisussaatinneqarluni pineqaatissinneqarsinnaaneq Kalaallit Nunaanni pinerluttulerinermik inatsimmi maleruagassat naapertorlugit pisoqalisarnera erseqqissaatigineqarpoq, maanna kalaallisut allassimanera ima paasineqarsinnaavoq ”Kalaallit Nunaanni pinerluttulerinermik inatsit naapertorlugu akisussaatinneqarluni pineqaatissinneqarsinnaaneq pisoqalivoq”. Inatsisip qallunaatut oqaasertai allanngortinneqanngillat.

§ 2-mut

Nr. 1-imut

Allannguutissatut siunnersuummi § 1, nr. 01, 03 aamma 04 tamanut saqqummiussinerup aqaguani atuutilissatut siunnersuutigineqarpoq. Aalajangersakkat sapinngisamik piaarnerpaamik atuutilernissaasa naapertuuttuunera matumuuna innersuussutigineqarpoq.

Tulliullugu allannguutissatut siunnersuummi § 1, nr. 02 ulloq 1. januar 2020 atuutilissaaq, ukiorlu isertitaqarfik 2020 aallarnerfigalugu atulissasoq.